

佛说摩利支天经

[观想根本传承上师莲生活佛住顶放光加持，持「根本传承上师心咒」 108 遍]

南无本师释迦牟尼佛（三称）

开经偈：

无上什深微妙法，百千万劫难遭遇，
我今见闻得受持，愿解如来真实义。

佛说摩利支天经

如是我闻，一时婆伽梵在舍卫国祇树给孤独园与大比丘众千二百五十人俱。尔时佛告诸比丘，有天名摩利支天，常行日前，彼摩利支天无人能见，无人能捉，不为人欺诳，不为人缚，不为人债其财物，不为怨家能得其便。佛告诸比丘，若有人知彼摩利支天名者，彼人亦不可见，亦不可捉，不为人欺诳，不为人缚，不为人债其财物，不为怨家能得其便。佛告诸比丘，若有善男子善女人，闻是摩利支天名者，应作是言，我弟子某甲知彼摩利支天名，故无人能见我，无人能捉我，不为人欺诳我，不为人缚我，不为人债我财物，不为怨家能得我，尔时世尊即说咒曰：「 旦至他。安迦末私。末迦末私。支婆罗末私。摩诃支婆罗末私。安多利。陀挪摩沙河。」



于行路中护我，非行路中护我，昼日护我，于恶怨家中护我，王难中护我，贼难中护我，一切处一切时护我，弟子某甲娑婆訶。佛告诸比丘，若有善男子善女人比丘比丘尼优婆塞优婆夷国王大臣及诸人民等闻是摩利支天陀罗尼，一心受持者，不为如上诸恶所害。

佛告诸比丘，若有人能书写读诵，受持者，若着髻中，若着衣中，随身而行，一切诸恶，悉皆退敌，无敢当者，时诸比丘闻佛所说已，欢喜奉行。

离婆离婆帝。求诃求诃帝。陀罗尼帝。尼诃啰帝。毗离尼帝。摩诃伽帝。真陵干帝。梭哈。（七遍）

[可加持摩利支天菩萨心咒 108 遍：嗡。摩利支玉。梭哈。]